

此摩納婆等祭祠火已欲滅其火而不能得是故我作念大沙門於我近住將爲彼力致令如此作是言已世尊告曰汝欲得火滅不迦葉白曰大沙門甚欲得滅即時以佛威力盡皆滅沒是時迦葉便作是念希有威德大德沙門雖能如是然我亦是大阿羅漢尔時

世尊住優樓頻螺迦葉修道所住林中迦葉異時自欲祠火而不能著迦葉便作是念大沙門於我近住將非彼力致如此耶作是念已詣世尊所白佛言大沙門當知我欲於此自祭祠火然不能著是故我作是念大沙門於我近住將爲彼力致使如此作是言已世

尊告曰汝今欲得火著以不迦葉白言大沙門我欲得著以佛神力令火忽然熾盛炎著時優樓頻螺迦葉復作是念甚奇世尊希有如此大威德力雖能如是然我亦是阿羅漢

假六

根本說一切有部毗柰耶破僧事卷第七假  
余時世尊住迦葉修道所止林中迦葉異時祭祠火已欲滅其火而不能得于時迦葉便作是念大沙門今近我住將非彼力火不滅耶作是念已往詣佛所而白佛言大沙門當知我於此處祭祀火已欲滅其火而不能得是故我作是念大沙門於我近住將非彼力令如此耶作是念已佛告迦葉汝今欲得滅此火耶迦葉白曰大沙門我意欲得除滅此火其火即時以佛神力悉皆除滅是時迦葉便作是念大沙門雖能如是有大神力然我亦是阿羅漢尔時世尊住優樓頻螺迦葉修道所止林中後於異時迦葉所居精舍屋宇四面一時其焰俱熾欲滅其火而不能得是時迦葉與其眷屬及諸大眾同心相勵撲滅其火亦不能得尔時迦葉便作是念此大沙門於我住處將非彼力縱此焰耶作是念已

根本說一切有部毗柰耶破僧事第六

詣世尊所白佛言大沙門我所居止屋宇精舍四面忽然熾炎灾起我及眷屬與諸大衆齊心撲滅而不能得是故我生是念大沙門於我近住將為彼力致使如是作此語已世尊告曰汝意欲滅其火以不迦葉白曰大沙門我意願欲除滅此火是時焰熾以佛神力

盡皆滅沒優樓頻螺迦葉復作是念甚奇世尊雖能如是有大神力然我亦是阿羅漢爾時世尊住優樓頻螺迦葉修道林中時四天王於其夜分身坐一面是時優樓頻螺迦葉於其夜中因觀星曆乃見佛前有二火聚光明遠及便作是念此大沙門同我事火是故

故彼邊有四火聚尔時優樓頻螺迦葉至於明日詣世尊所白言大沙門知我所見不昨夜因觀星宿大沙門前見有火聚見已作念此大沙門如我事火佛言迦葉我非事火昨夜爲四天王於我處聽法所以有此光明非餘火聚尔時優樓頻螺迦葉復作是念此大

沙門雖然如是神通威德然我亦是阿羅漢爾時世尊住優樓頻螺迦葉修習林中時梵王帝釋於其夜分身暉赫如二火聚來詣佛所頂禮雙足退坐一面是時優樓頻螺迦葉於夜分中因觀星宿遙見佛前有二火聚光明遠及便作是念此大沙門同我事火是故

假七

二

被邊有此火聚至明往世尊處白言大沙門知我見不昨夜因觀星宿大沙門前見二火聚即作是念此大沙門如我事火佛言迦葉我不事火昨夜爲梵王帝釋來於我處聽法所以有此光明非餘火聚尔時優樓頻螺迦葉復作是念此大沙門雖有如是神通威德然我亦是阿羅漢果尔時世尊住優樓頻螺迦葉修學林中摩揭陀國人有其時會七日之中皆往優樓頻螺迦葉處興大供養時既將至迦葉作念若摩揭陀國人來詣於此觀此沙門如是神力必應捨我定當隨彼其大沙門於七日間若不住此斯爲善事于時世

尊知其所念遂屏身相使令不現是時國人供養將畢迦葉獲大利養衆既散已迦葉復作是念我七日中得大所須今若大沙門來於此處我當供設于時世尊知彼所念即為現身迦葉遙見即作是念語大沙門汝亦還來佛言迦葉我還至此迦葉問大沙門七日

已來何故而去佛答迦葉汝先豈不作如是念耶若摩揭陀國人來詣我處見此沙門神力威德人應捨我定隨彼耶其大沙門於七日間不住於此斯為善事于時我知汝念所以於七日中而不住此迦葉復言既知我意而去今何得還佛言汝今復作是念我已獲得所須供物若大沙門來於此處我當供設

假七

三

復知汝念所以却來迦葉言大沙門我實有此念便白佛言大沙門汝諸飲食隨意受用是時迦葉復作是念此大沙門雖有如是大威神力不可思議然我亦是大阿羅漢爾時世尊住優樓頻螺迦葉修習林中迦葉來請

世尊曰大沙門願見住此我等如法資設供給世尊嘿然受之迦葉既知世尊受請即便自手敷辦器具而造飲食詣世尊所告言沙門食飲辦訖願自知時世尊報迦葉曰汝當先去我隨汝即來尔時世尊迦葉去後以神通力往瞻部樹取得其果香美鮮色滿鉢盛

已來迦葉處就座而坐迦葉後至見世尊已問言大沙門汝早此耶答言已至迦葉復問曰大沙門鉢中是何物耶佛言汝向請我汝去之後我已定力往瞻部樹取此果來其色香美汝若須食而可取之迦葉曰願大沙門隨意自食是時優樓頻螺迦葉復作是念此

大沙門有大神力如是威德然我亦是阿羅漢果是時世尊將瞻部樹菓乃至菴摩羅菓迦畢他及將俱盧自然粳米皆同上尔時世尊住優樓頻螺迦葉修習林中時迦葉自手造食了已即往請佛世尊著衣持鉢就座而坐迦葉見佛坐已即取佛鉢置諸妙食自手

奉佛世尊受已往別處食至彼須水時天帝釋知佛須水便生佛所以指擊地涌泉流現時彼迦葉後時經行見此泉水涌流而作是念我住此久不見其泉今日何得忽有斯水徃世尊所白言大沙門我住此久不見其泉今日何得忽見如是誰爲佛言迦葉我昨日受汝飲食來坐於此而欲喫食爲須水用時天帝釋觀知我意速來於此以指擊地流泉涌出所以有此泉水其泉號爲手擊之泉于時迦葉復作是念此大沙門有如是神力難可思議然我亦是阿羅漢

爾時世尊住優樓頻螺迦葉修學林中時佛

假七

世尊晡時出遊泉所脫諸衣服入泉沐浴而欲出水於其岸邊有一大樹名過豎那去佛甚遠爾時世尊舒手欲捉其樹即便伍屈佛攀枝出於時迦葉見此事已而作是念其大樹先來不屈今誰伍曲詣世尊所白言大沙門此大過豎那樹先不伍曲今誰屈爲佛如

四

云用何物曬時天帝釋觀知佛意徃餘山中耳一方石置於佛前白言世尊可於此曝世尊以衣覆石之上於時迦葉來見此石而作是念未曾覩此二石今何忽有徃問世尊佛言迦葉我欲浣曬衣服而念用何物時天帝釋知我所念持此二石一用洗衣一爲曬服

迦葉復作是念此大沙門有如是神力然我亦是阿羅漢

爾時世尊住於優樓頻螺迦葉修道林中時往尼連禪河諸邊經行水忽泛漲過沒人頭世尊在彼水即四邊波止如來安然經行迦葉遙見此事念云其大沙門有如是相好今

五

上說此樹號爲手擊過豎那樹迦葉復作是念此大沙門有如是神力然我亦是阿羅漢爾時世尊住於優樓頻螺迦葉修習林中佛得糞掃衣而欲浣濯念言用何物洗時天帝釋知佛所念持一大石置於泉邊白言世尊願見受用爾時如來即浣糞掃衣已復作念

被水漂即共諸弟子乘小船入河見世尊在中經行之處波水不及問言大沙門猶得活耶世尊答言迦葉我今安壽迦葉曰大沙門可上此船世尊以神力忽然不見現於船上迦葉見是事已復作是念此大沙門雖有如是大威神力然我亦是大羅漢爾時世尊知

優樓頻螺迦葉心欲所念便作是言迦葉汝非是阿羅漢果亦不是阿羅漢向亦不知阿羅漢道迦葉聞是語已便作是念大沙門喬答摩知我心所念念已合掌向佛白言大沙門惟願聽我於大沙門法律中出家受具足戒成苾芻性令我於大沙門法中修習梵行世尊告曰若欲出家汝弟子等知汝以不迦葉答曰彼皆不知世尊告言汝名稱遠聞衆知汝善智慧具足是故應當告汝弟子聽汝者隨意所樂迦葉聞佛語已便即往至本所住處告諸弟子汝等當知我今欲於大沙門喬答摩法中出家受具足戒汝等意者所欲

云何彼衆白曰我等所學邬波駁耶今若去者我當隨從修習梵行迦葉報曰汝等若能隨學我者所著鹿皮樹皮錫杖祭器悉能奔擲尼連禪河中當隨意去諸弟子等聞是語已所有衣服祭器等物悉皆奔置尼連禪河擲是物已還迦葉所便作是言悉令弃者今

皆已捨應作何事惟願指授尔時優樓頻螺迦葉及五百眷屬往詣佛所而作是言大沙門我告徒衆悉已聽許惟願度我於善法律中出家受具足戒成苾芻性尔時優樓頻螺迦葉有第二人一名那提迦葉二名伽耶迦葉各有弟子二百五十人先於尼連禪河岸

勤修梵行處修寂靜行那提迦葉住居下流後於一時尼連禪河中乃見鹿皮樹皮錫杖祭器等物並被漂沒見是事已皆作是念我等同修梵行者有何災難如是等物被漂沒耶爲是王害爲是賊侵爲被火燒爲水漂損然我等同梵行者應當往彼尋問其事尔時

假七

六

那提迦葉伽耶迦葉等往詣優樓頻螺迦葉修道所到已於其側近乃見優樓頻螺迦葉披僧伽胝除弃鬚髮於大沙門所住一面坐聽受妙法見已向優樓頻螺迦葉作如是言具壽此出家法勝舊法不荅言勝彼爾時那提迦葉伽耶迦葉作如是念今此大沙門有

大神力必應更有勝妙上法若不尔者優樓頻螺迦葉耆年宿德過百二十摩揭陀國人尊重瞻仰大衆咸謂是阿羅漢今者弃本所學依大沙門出家修道我等亦應隨大沙門出家學道如是念已即共合掌頂禮佛足惟願聽我於大沙門法律中出家受具足戒成

苾芻性令我於大沙門法中修習梵行世尊告曰若欲出家汝弟子衆知汝等不那提迦葉伽耶迦葉答言彼皆不知世尊告曰汝等名稱遠聞衆所知識智慧具足是故應當告汝弟子若聽汝者隨意所樂那提迦葉等聞佛語已便即往至本所住處告諸弟子汝當

知我欲於大沙門喬答摩法律中出家受具足戒汝等意者所欲云何彼衆答曰我等所學本依鄖波駛耶今若去者我等大衆悉願隨從修習梵行迦葉報曰汝等若能隨學我者所著鹿皮樹皮錫杖祭器悉能弃擲尼連禪河中者當隨意去諸弟子等聞是語已所

假七

七

有衣服祭器等物悉皆弃置尼連禪河中擲是物已還鄖波駛耶所便作是言悉令弃者今皆已捨應作何事惟願攝授爾時那提迦葉伽耶迦葉共將弟子五百人俱往詣佛所而作是言大沙門我告弟子悉已聽許唯願度我於善法律中出家受具足戒成苾芻性於大沙門處修習梵行世尊告曰那提迦葉伽耶迦葉善來應修梵行作是語已那提迦葉等及五百弟子皆得出家受具足戒成苾芻爾時世尊度一千被髮外道受具足戒於優樓頻螺地隨意住已漸漸遊行至伽耶山住其山頂窣堵波處與舊被髮出家外道一

千苾芻而共居止爾時世尊以三種神通化  
千苾芻三神通者所謂神足通記說通教授

通神足者如來入三摩地以心定故即從本  
座忽然隱沒現於東方上昇虛空行住坐卧  
入火光定即於身內出種種光所謂青黃赤  
白及以紅色雙現其相身下出火上流清水

身下出水上發火光東方既爾南西北方亦  
復如是既現相已從彼虛空沒還復本處而  
現此是世尊神足通記說通者所謂苾芻應  
觀察心意識如是應善尋伺不應不善尋伺  
此亦意念此亦證身識此為世尊記說通教  
授通者告諸苾芻所有諸法悉皆熾然何者  
一切熾然眼熾然色熾然眼識熾然眼觸熾  
然為因眼觸內所生受或苦或樂非苦非樂  
亦是熾然以何火熾然貪火熾然瞋火熾然  
癡火熾然生老病死愁歎憂悲苦惱亦復如  
是火然此皆為苦眼既如是耳鼻舌身意亦  
復如是此是世尊教授通世尊說此法時彼

千苾芻不受後有故於諸有漏心得解脫皆  
得阿羅漢果

尔時世尊在摩揭陀國伽耶山頂窣堵波處  
與千苾芻俱先是舊被毘外道皆證阿羅漢  
果盡諸有漏應作已作所作已辦捨諸重擔  
逮得已利斷諸有結心正解脫摩揭陀國大

假七

八

衆人民因遊行故聞釋迦種中生一太子在  
雪山側近彌迦河岸劫比羅仙人住處去斯  
不遠有占相師善闇方術授太子記若在家  
者紹轉輪王位能降四方以法化世七寶具  
足所謂輪寶象寶馬寶珠寶女寶主藏寶主  
兵寶千子園達端正勇健摧伏他軍盡四洲  
界普能王化無有怨敵苦惱刀仗悉皆屏息  
安樂而住若出家者以正心信捨家趣非家  
剃除鬚髮被服袈裟證無上覺成阿羅漢世  
間讚詠名稱遠聞彼遊行人聞斯語已往詣  
頻毗婆羅王所而作是言大王當知我等遊  
行至此人間聞釋迦種中生一太子於雪山

側近彌伽河岸劫比羅仙人修道之處乃至世間讚詠名稱遠聞悉如上說惟願大王然彼太子若除滅者大王當得國祚長遠其三報曰汝等諸人莫作是語何以故彼釋迦太子若得金輪王位我當隨從若成正覺當為執侍親近供養爾時摩揭陀主頻毗娑羅王

昇樓閣上乞五種願願我國出大教導師如來應正等覺明行圓滿善逝世間解無上丈夫調御士天人師佛薄伽梵令我於彼敬事瞻仰所說法要令得開悟得聞法已受持淨戒如法而住於時世尊在伽耶山遙見大王聞此語已告諸苾芻曰此頻毗娑羅見在樓

假七

九

上發五種願悉如上說復次摩揭陀國大眾生民因遊行故先聞釋迦種中生一太子在雪山側近彌伽河岸劫比羅仙人住處去斯不遠有瞻相師善闍方術授太子記若在家者紹輪王位能降四方以法化世七寶具足所謂輪寶馬寶珠寶女寶主藏寶主兵寶千

子圍違端正勇健摧伏他軍盡四洲界普能王化無有怨敵苦惱刀仗悉皆屏息安樂而住若出家者以正信心捨家趣非家剃除鬚髮被服袈裟證無上覺成阿羅漢世間讚詠名稱遠聞彼捨輪王位而求出家得阿耨多羅三藐三菩提今見在伽耶山頂窣堵波處

與千苾芻前後圍違並是舊被髮外道皆證阿羅漢果盡諸有漏應作已作所作已辦捨諸重擔逮得已剝斷諸有結心正解脫聞是語已往頻毗娑羅王所而作是言大王當知我等遊行至此人間先聞彼釋迦種中生一太子乃至成無上覺在伽耶山與千苾芻前

後圍違盡是有結心正解脫惟願大王親近供養彼佛世尊若如此者令王國土安隱豐樂王聞語已甚大歡喜即命一人令往佛所如我辯曰頂禮雙足白言世尊起居輕利少病少惱安樂住不作是言已復稽請曰惟願世尊與諸苾芻來就我所住王舍城受我一

生供養四事使者受王如是語已往伽耶山至世尊所頂禮佛足而作是言摩揭陀主頻毗婆羅故遣我來稽首世尊起居輕利少病少惱安樂住不佛言王及汝等咸得安樂使者白言王令稽請惟願世尊與諸苾芻來至我所居王舍城受我四事一生供養世尊即

時嘿然受請使者知佛嘿受已頂禮佛足辭還本處爾時世尊與千苾芻圍遶前後並是舊被髮外道皆證阿羅漢果乃至盡諸有結心正解脫漸漸遊行於摩揭陀人間至善住窣堵波竹林中住摩揭陀王聞佛至此千苾芻俱圍遶而住皆已證得阿羅漢果盡諸有

假七

十

漏應作已作所作已辦捨諸重擔逮得已利斷諸有結心正解脫王聞是已嚴駕善輶與無量百千眷屬圍遶欲往佛所禮拜供養其王善輶輪轂入地不得前進王作是念我有何咎今此輪轂不復遊履忽聞空中天曰王無過犯但王獄中無量人衆先與大王同修

善業今若放捨可得前路王聞是語赦及囚禁並皆放已王欲進路行度宮門頭冠傾側便作是念我於昔來造作何業致是相耶即聞空中天曰大王無辜然爲無量衆生先與大王同修勝業今皆散住邊遠村坊王當召命可共見佛王遂宣令遣來集會既集會已

嚴駕車輶一萬二千并諸兵衆馬騎雲屯十八萬衆復有象兵一萬五千并與無量百千萬摩揭陀人婆羅門居士等前後圍遶出王舍城往詣佛所到已下車除五勝物所謂傘蓋頭冠寶劍寶扇寶履捨是物已向佛合掌頂禮佛足白世尊曰大德我是摩揭陀國人

王頻毗婆羅王如是三白佛告大王如是如是汝是摩揭陀國王頻毗婆羅王如是三答汝今可坐是頻毗婆羅王聞佛語已頂禮佛足却坐一面其摩揭陀國婆羅門居士等一分頂禮佛足亦坐一面一分合掌問訊大沙門少病少惱氣力安不亦坐一面一分合掌

假七

十一

而不致問亦坐一面一分遠住嘿然而坐於時優樓頻螺迦葉在大衆中摩揭陀國婆羅門居士見此迦葉在於衆中便發疑念沙門喬答摩在迦葉處而有修習爲當迦葉向沙門喬答摩邊而學未聞爾時世尊知衆所念以妙伽他問迦葉曰

迦葉汝昔見何利捨俗出家而事火及時此法所獲益汝今爲我說斯義於時迦葉亦以伽他而答佛曰有一說言獲益者端嚴美女諸妙味見彼法中有此利因斯捨俗而事火世尊復以伽他重問迦葉曰

端嚴美女諸妙味若由事火而得此即有人天世間樂汝何弃捨而不願迦葉亦以伽他而答佛曰爲覩勝靜無餘句無所有處猶不住除此妙法更無過情今弃彼而不願由我先有愚癡意持火禁戒望解脫

於勝妙法反爲顛盲冥生死常流轉  
諦觀無爲最勝句調御象師能妙說  
真實益世牟尼教辯導無倦喬答摩  
今時世尊以斯伽他讚迦葉曰  
善來迦葉波非有思慮處最勝廣法中  
汝今已能大

尔時世尊告迦葉曰汝起爲諸大衆現其神變於時迦葉聞佛語已即入三摩地此心定故即從本處忽然不現即於東方上昇虛空行住坐卧入火光定即於身內出種種光所謂青黃赤白及以紅色雙現其相身下出火上流清水身下出水上發火光東方既爾南西北方亦復如是現是相已從虛空沒還於本處地上而立往至佛所頂禮佛足作如是言世尊是我教師我是世尊聲聞弟子世尊告曰如是如是迦葉我是汝教師汝是我聲聞弟子迦葉汝起可就本坐尔時優樓頻螺迦葉頂禮佛足還至本坐尔時摩揭陀國婆

羅門居士等見此事已作如是念非沙門喬答摩在迦葉處而有修學但是迦葉於世尊所而學所作爾時世尊告摩揭陀主頻毗婆羅言色有生滅大王當須了知色法生滅因緣受想行識亦復如是大王若能了知色法生滅異即能了知色之自性受想行識亦復

如是大王若善男子知色性已而不愛著亦不領受亦復不持而能於此決定無我及以我所受想行識亦復如是若善男子了此色性不愛著不受不持決定知此無我我已我說此人得涅槃解脫受想行識亦復如是世尊說此法已摩揭陀國婆羅門居士等作如是念若色無我受想行識亦無我者然何等法而是其我誰是有情誰復是命生者養育者人及數取趣意生與摩納能所作及造觸受行住等此等諸法差別悉皆無我者更有何物不生不滅非三世有而能作受若人於可作及不應作善惡之業所有果報誰當受

之令捨此蘊而受彼蘊爾時世尊知此婆羅門居士等作如是念即告諸苾芻曰無智慧人不多聞故便作是念孰我我所不知無我及以我所何以故苾芻從集生苦證滅斷苦從集生行證滅行滅彼因緣滅彼滅彼因緣故能生諸有情次第流轉如是因緣有情上

假七

十三

滅如來了知畢定無我復告諸苾芻曰我得清淨天眼過於人間觀見有情流轉生滅勝者妙色惡色趣善惡道所有作業如實我知如是見一有情造身口意惡業誹謗聖者執著邪見行邪惡業由此因緣此捨命墮於地獄復見有情造三善業不謗聖者住正信心行正命行由此因緣從此捨命生於天上如是等事我悉知見而不曾說有情是我壽命與生養人及數取趣意生并摩納能所作及造觸受行住等若人於可作及以不可作善惡等業所有果報而捨於此蘊受於彼蘊等皆不說是我然是因緣所謂此有故彼有此

生故彼生謂無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦惱如是此大五蘊聚集所謂此無故彼無此滅故彼滅謂然明滅即行滅行滅即識滅識滅即名色滅名色滅即六處滅六處滅即觸滅觸滅即

受滅受滅即愛滅愛滅即取滅取滅即有滅有滅即生滅生滅即老死憂悲苦惱滅如是此大五蘊聚集滅莎薦如是諸行皆苦涅槃爲樂因集故苦生因滅故苦滅由此相續流轉斷滅此即苦盡云何是涅槃苦盡故爲涅槃猶如火滅而得清涼是故我說此句能捨

諸蘊貪苦盡故而得圓寂爾時佛告摩揭陀主頻毗婆羅王曰於意云何色爲常耶爲無常耶答曰大德色是無常又問若無常者爲苦非苦答曰是苦又問色若多聞弟子執色是我我有諸色色屬於我在色中不答曰不也又問如是受想行

識爲是常耶爲無常耶答曰是無常也又問乃至識等是無常者爲苦非苦答曰是苦又問識等無常苦者即是變壞若有多聞弟子執乃至識是我我有諸識識屬於我我在識中不答曰不也是故當知識所有色若過去未來現在若內若外若麤若細若勝若劣若

十四

十四

近若遠如是諸色非我我所我有諸色非屬於我我不在色中如實遍知應如是見乃至受想行識亦復如是大王有聲聞弟子具足多聞觀五取蘊離我我所如是觀已知諸世間寶無可取故不生怖畏無怖畏故內證圓寂我生已盡梵行已立所作已辦不受後有

尔時世尊說此法時摩揭陀主頻毗婆羅王及八万天子無量百千万摩揭陀國婆羅門居士等皆悉遠塵離垢得法眼淨亦復見法得極通達法究竟堅法越一切希望一切疑惑不假他緣於大師教餘不能引於諸法中得無所畏尔時大王及居士等得此法已心

大歡喜從座而起整衣服頂礼佛足右膝著地合掌向佛而作是言我今入此微妙之法獲大勝利從今已後乃至盡形歸佛法僧爲五戒鄒波索迦不然不盜不邪行不婬語不飲酒作是語已便即請佛及諸苾芻願來於我王舍城住令我一生供養四事世尊爾時

默然受請摩揭陀王及諸人等知佛世尊默受已頂禮佛足即還本所時諸苾芻咸皆有疑而白佛言世尊是具一切智能斷諸疑我等不審大王及諸眷屬作何因業由此業力得清淨眼佛告諸苾芻頻毗娑羅王所作之業汝等善聽我爲汝說彼所作業若熟時因

假七

十五

緣合會如瀑流水所作之業決定自受無能替者汝等苾芻自身當受其報善惡已熟必定不虛而說偈頌曰  
假令經百劫 所作業不亡 因緣會遇時  
果報還自受  
汝等苾芻過去有佛号阿羅那鞞如來應正

等覺明行圓滿善逝世間解無上丈夫調御士天人師佛薄伽梵出現於世佛事周已入無餘涅槃如薪盡火滅彼土人民火滅已後收佛舍利於清淨處起大窣堵波而作供養時有金輪王名吉利枳將十八俱胝軍將圍遶於空中過欲向人間至窣堵波處時有信

佛天神各以威力捉王輪寶於空中住而不得去時吉利枳王見其金輪既不得轉即作是念我福德盡今此輪寶不復前進諸天神等於其空中而謂王曰非王福盡然以其下有佛舍利窣堵波令王輪寶不復得去時吉利枳聞此語已與諸軍將十八俱胝圍遶而下見其佛塔由故未成彼諸部衆各相勸勉齊以珍寶而共粧飾復以珍寶而共粧飾復以種種香花伎樂持以供養跪合掌大眾同聲而發願言願我以此所種善根於當來佛聞法得法眼淨作是言已頂禮佛塔汝等苾芻勿作異念彼時轉輪王吉利枳及餘侍

從今即頻毗婆羅王昇諸眷屬是也是時彼王及其侍從所作供養供世尊阿羅那鞞之窣堵波已由此善根緣故於無量俱胝百千劫生人天中受勝妙樂王及眷屬由願力故令於我所得法眼淨諸苾芻當知黑業有純黑異熟白業得純白異熟黑白雜業得雜異熟是故汝等苾芻捨黑黑業及彼雜業應當勤修白業之業

十六末

根本說一切有部毗奈耶破僧事第七假七

根本說一切有部毗奈耶破僧事卷第八假八  
大唐三藏法師義淨奉  
制譯時諸苾芻咸皆有疑而白佛言世尊是具一切智能斷諸疑我等不審優樓類螺作何業故以五百神變而能調伏那提迦攝伽耶迦攝任運調伏佛告諸苾芻彼迦攝波所集資

假八

糧業汝等善聽我當爲說乃至頌曰如前佛告諸苾芻往古昔時此賢劫中人壽二萬歲有佛世尊号曰迦攝如來十号具足出現於世在婆羅痆斯城仙人墮處施鹿園中時彼世尊佛事已畢而入涅槃時有國王名吉利枳積諸香木而用梵燒復以香乳灑火令滅以四寶冕盛其舍利於形勝地起窣堵波縱廣一踰繪那高半踰繪那時婆羅痆斯城有一長者其家巨富財寶豐饒多有受用如薛室羅末擎天而彼長者於同類家娶女爲妻共相娛樂後生三子長者後時忽染疾病種種方藥不能得差奄就命終時彼子等種種繪絲裝飾其舉送彼寒林以火焚燒號叫悲泣喪事已畢時長兄言所有財物吾今欲分時彼二弟而不隨從其兄數數言欲分之二弟報曰若如此者先修福業然後聽分言作何業弟曰於迦攝佛窣堵波處而爲供養時兄不信多時致難後始隨許其二弟以種